

黔南叢書

第五集第八冊

平黔紀畧卷十三

黔南叢書第五集

貴陽羅文彬
華陽王秉恩
編纂

同治五年丙寅春正月初一日號匪襲陷黔西州城
署知州羅澄鑑遇害署把總譚興麟把總胡廷彥外
委劉洪盛澄鑑幕友李厥吉施慎齋等同被害署黔
西遊擊黃加富署守備張發甲遁賊旋回打鼓新場
鄧爾巽遣副將賈連升等援始至遂入城 初四日
仁懷縣羊窩大小屯寺號匪譚繼虞等出掠石寶寺
大灘羅漢寺新授貴州提督周達武方防合江署仁

之縣志

貴陽文通書局代印

懷知縣汪麗金駐官渡塘

縣北四十里

近合江因請援

達武率軍擊敗之旋移防綦江仁懷廳團紳張庭璽

等稟駱秉章畧曰廳處偏隅距黔省遠兼以庫欸支

絀勢難兼顧自號匪據大小屯寺縣城不守而廳境

疲於防禦然賊黨雖多半爲饑寒所迫其據羊窩老

號不過千餘而已去冬至今時窺廳城若順流而下

恐江津合江亦危請飭大兵迅復縣城廳圍自解廳

屬地方三里軍興以來所募練團防堵經費俱係民

間籌辦長官平日所收釐金並未給予團練匹鄉疊

遭蹂躪此次焚毀米穀不下數萬碩民力已竭若賊

謂知則廳城不守秉章以有劉嶽昭各軍難更增軍

俟綏陽復再議進取 初八日趙德光進援永甯軍

出灞陵橋橋跨灞陵河州東四十五里一名關東橋以在關嶺麓關口距橋八里擊走

關嶺賊商畢大錫等攻永甯先疾馳下募役司敗回

賊賊仍出花江北盤江東南流至貞豐東界曰花江有度貞豐北永甯南均九十里花江

巖下左右峭壁行者危慄爲自回貞豐德光追擊賊

死頗衆初十日德光復回募役會大錫及易飛熊等

復永甯州城永甯附近諸寨悉反正會西克苗復出

敗畢軍落別扁擔山仲夷起應大錫遂率軍出老譚

堡

普定西北四十五里
西南毗鎮甯

擊落別

郎岱東至落別八十五里

遣軍劄二

塘

郎岱北三十里

靛山

郎岱北三十餘里

遏西克苗

十六日打鼓

新場等賊復走陷大定府城奪情署貴西道兼大定

知府鄧爾巽遁六龍

府西一百九十五里

時府東有新場號匪

北有猪拱箐苗南則平遠黔西諸賊出沒本境槓匪

間起城初復民多未歸賊至卽入入亦無所據未幾

復走六歸河趨平遠二十二日賊巽等復入城平遠

教匪時劄化起龍場

州東七十里

馬場苗賊復過補堆河

安順北
四十里

掠可處寨何神佑因段紀傳檄來援頗恣肆

藉合團名不服者輒殺之平遠戒嚴 遵義賊多降

吳元彪勢孤入綏陽死守劉嶽昭督軍築堤決水灌

之堅不下乃以李家福謝景春等圍攻自赴遵義撫

輯降衆會石洪明等掠據府西鄉聶定邦王超凡等

自高台窰上分道掠東南嶽昭遣劉承錫

即劉
崑山

蹇子

玉

即元
淵

宋德金

即玉
山

分擊之復遣忠字各軍扼大屋

基防甕安賊大屋基與高台窰上僅隔烏江

在府東
百里

於是亮基奏言劉嶽昭到遵義後不數月間剿撫衆

施漸次肅清固由嶽昭謀勇兼優亦由饒鍾克濟故
無掣肘黔省之患不在賊衆而在饒鍾於此尤可概
見倘蒙敕令劉嶽昭專辦黔中軍務仍由四川濟以
巨款黔賊不難殄平 何得勝李疤臉許大八等過

清水江攻余士舉寨得勝出清水張樑軍三重堰民

疾樑軍騷擾賊至輒結攻之葉有貴割牛矢屯

省北五十

里

沙子哨皆制於賊樑敗退斑竹園何得勝復分黨

出猪場堡趨清鎮二十七日再陷清鎮縣城署知縣

孫允中遁時都司毛宗亮以七十餘人城守副將鄧

明勝不知所往所部無一人賊趨安平署知縣江煦
和設防 畢節賊卿滿大掠僇四品軍功侯廣德
追賊中伏陣亡滿大旋爲川軍李有恆禽誅

二月初一日劉鶴齡圍攻鐔尖山急旁寨悉下賊猶死
拒鶴齡乃使人招趙么老降許以不死盡免諸脅從
賊度不能脫於是王正伸李炳南趙鐵匠等皆出降
遂駢誅之楊先夜縋逸兔堽團首王家文禽猷亦誅
之釋正儒諸子毀其寨鐔尖山高出衆山周約三四
里中有水不竭賊緣山爲城盤據歷二世垂十餘年

至是始平並禽斬賊黨穆福高等 綏陽諸軍日夜

築堤高逾城西南隅未沒者三版七星坡賊糾何得

勝子天寶來援敗去石洪明等時掠陷府西諸寨掠

積廩饒平壩菜竹山汪草登旋走圍北鄉紅花堡大

屯劉承錫往援被禽獄昭遣軍分扼木根寺白雲寨

固西路 鄧爾巽自大定遣練團援平遠逐賊化勝

河練與賊棄械語 大河九千苗掠陷爛土遂出小

河巴佑入荔波趨甲站塘甲梁塘

荔波東北七十里

東

北分道圍縣城彭培垣嬰城守乞援獨山會高禾九

松合都勻賊亦攻翁奇薄獨山胡四趙五復自甲含

堡進逼吳德容不能分顧而爲荔波乞援張亮基檄

盧希恆由定番馳赴荔波賊旋自巴灰間道據下司

把總譚錦章不知所往 李保衡遣軍功周步雲援

貞豐遇賊蛇場溝戰沒賊仍據石屯回賊張福蔭等

時圍板寨冊亨南七團衆潰守上寨守備劉萬勝等

退三道溝汎冊亨西百三十里廣順州役譚起洪糧吏

周蘭階等通賊結新降苗潛出宗角汎廣順西南三十里距長

寨二十餘里 犯長寨廳城計遠長李騰蛟檄廣順屬文家

屯距州七十里團首文師尙來援擊賊退宗角胡四

趙五時自江肘擊潰貴定永清永隆永安永協諸團

筈龍頭營並龍里麻哈等處窺青巖楊發貴白孟關

分扼曉碧寨貴陽東南二十里亮基檄童三元赴青巖賊退

永隆遏省道距高坡十餘里距青巖孟關四十里何得勝等猶攻侖

士舉貴陽營遊擊傅必榮得檄往援不進得勝遣黨

剽格仁里諸寨白修文至九莊民多脅從小六廣團

首武生顏耀南等乞援張樑樑合葉有貴卻之比樑

回而賊仍踵至益虐殺民陳大六等掠田心寨

附天

柱城八里將出沅晃旋自便水驛回走謝家橋銅仁南黃

道司思州東南百五十里擊敗楚軍營官石中瓊陣

沒羅建章被創賊出小江趨石峴衛松桃戒嚴周洪

印時至銅仁遣楚軍由正大營出麥地銅仁協兵亦

扼太平營防松桃

三月初二日松桃苗教分走剽畧署松桃同知俞光曾

守備楊正富等嚴防周洪印復遣軍躡賊追擊賊不

得志旋出桃映汛上寨廳西南六十里走回初六

日金萬照誘殺馬忠於新城初十日遂陷興義府城

丁憂留署興義知府李保衡署府經歷徐海署冊亨
州同李華斗候補府經歷張有垣等均被害府城復
爲回據初貞豐回賊掠府東北馬忠擊走之遽赴新
城保衡旋聞忠死亟檄陳聘儒任睥來府共守未至
新城回已薄城遂陷之黑夷諸賊復逼縣城聘儒奔
回城守亮基以聘儒暫署府事檄萬照定中迅復興
義貞豐不報 是月奉上諭勞崇光奏派員督剿鎮
雄州進攻猪拱箐賊巢一摺貴州畢節猪拱箐地方
苗教各匪據爲老巢上年竄陷雲南鎮雄州並分擾

彝良州同地方及昭通大關一帶蔓延甚廣若不亟
籌勦辦勢將不可復制勞崇光現派岑毓英挑選所
部五千人馳往先由彝良進攻次第規取州城卽著
飭令該署藩司親督所部實力剿洗務將州城尅期
攻拔鎮雄距猪拱箐僅四十里必須兩省會攻方能
制賊死命並著張亮基嚴飭威甯鎮貴西道等文武
各員厚集兵練與岑毓英之軍約期夾擊一俟州城
克復卽會剿猪拱箐老巢以期痛殲逆氛禽渠掃穴
該署撫務當振刷精神盡心疆事毋得遲延觀望坐

失戎機欽此畢節與雲南鎮雄州接州屬彝良分州

牛街縱橫四五百里土賊李開甲漆老新等結苗賊

數出畧爲患猪拱箐賊亦出掠六歸河至茶店橫亘

七八十里皆徧故崇光奏以毓英剿之趙德光自

永甯回軍擊走舊州龍潭寨府東五十里詹家堡甯鎮

東二張官堡諸賊張官堡爲安順安平廣順通衢賊

遂分走德光遣吳占勝等援安平自追出廣順賊旋

據廣興鎮會定番賊亦糾土賊聚廣順白雲山州東

里貴陽南七十里分劄翁貴廣順東南與宗角賊合

定番西北三十里

德光擊走之又敗之保和營塘

廣順東南二十七里

賊退白雲

山占勝亦擊走安平賊還赴德光德光復馳擊廣興

賊賊出長寨去先是德光自永甯還盧阿代仍回掠

苗寨平遠苗復過三岔河

鎮甯北八十里

掠鎮甯乾壩平巖

黃金印亦出西克攻官寨

距鎮甯七十里

仲夷旋陷落別官

寨據之苗仲遂合大錫以力難兼顧請復檄德光援

剿十一日潘名杰掠至中曹司

省南十里

委辦義穀委

員候補知州劉曾頤清鎮汎外委沈文彬把總彭貴

庭張順千總許炳章練日李春和等卒遇賊被害會

副將彭萬盛率湘勇將援荔波出龍家寨省南擊走

之已而賊自平伐走擺金定番屬抵季土賊陳喬生

應之一作抵計又作砥先是喬生與陳廷獻陳廷珍

挾嫌互鬪廷珍訴之署知州吳錫琛遂以叛聞振興

團團首楊燮和操之尤亟亮基屢刺訪不得實喬生

父文斗本軍犯不法瘐斃喬生疑懼藉復讐名結黨

放會潛通龍貴諸賊時胡四趙五據邦水潘名杰據

壩芒相去三十餘里因相結永固團團首余秉恪等

請檄趙德光軍進江肘賊必撤貴定賊回顧壩芒庭